



梅溪詩鈔



梅垞詩鈔序

一椽菽署聊爲擁鼻之吟廿載蓮城時有碎琴之感幸
逢同調不異酸鹽快誦大篇頓消魂壘梅垞先生戴溪
碩望蔣徑英才辭每擅夫色絲名早書夫淡墨當夫蓬
車席帽揮毫咏岱嶽晴雲茅店板橋倚馬望蘆溝曉月
旗亭壁上久矣籠紗古錦囊中裒然成集模山範水句
從百煉而來曼玉鏘金字必千捶而出嘗論句法最重
唐音猶書譜之貴蘭亭譬繪家之先界畫自不講夫科
律輒流入乎輕儇野狐禪豈知三昧之真打油腔反詡

八义之捷得兹砥柱乃挽狂瀾播厥鈞韶堪砭里耳僕
夙耽此癖絲繡杜韓老愧無成瓣香范陸少年顧影渾
忘學步之嗤醜婦效顰不見捧心之妙論文東閣見爾
恨遲祖餞西郊別予太速掉頭不住釣竿與詩卷難留
會面何期細雨共簷花欲落巧如可乞擬丐錦於邱遲
點不能加敢定文於敬禮

嘉慶十年歲次乙丑仲春上浣寅愚弟海昌張駿頓首
拜撰

梅垞二兄出示詩稿奉題四絕于後

漫說工詩有別才須從舊律寓新裁傾囊長吉多佳
句字字錘爐百鍊來

藝苑紛紛較短長幾人法乳本三唐何期糞火柴烟
外忽有旃檀一瓣香

京華旅食記行程到處留題興可乘撥觸十年前度
夢馬頭殘月店頭燈

勞勞南北倦奔馳又是山城歲晏時百結愁腸無療
法玉梅花下誦君詩

荔園弟張駿拜草

蔣學博梅垞詩序

昔康成博帶實居教授之山子夏小冠是為詩禮之族
 大雅弗替流風迭臻廣德一經學傳其韓魯鄭虔三絕
 才媿乎屈宋華陰之館成市宛邱之舍如舟何則好學
 十室古人所難作吏一行茲事復廢惟夫師儒之長是
 為文學之宗乎蔣君梅垞鍾會稽之地靈植竹箭之士
 望華萼一門穀魯四姓之諺蓬蒿三徑羊求二仲之風
 遂以清才暘其元緒買臣嚴助則地有經師顧况邱為
 則邑傳詩派古綆特汲前津弗迷剡中之訪縱棹能吟

蘭上之遊飛觴如畫興來而擊鉢俱下思入則停鐘獨
尋篇什之多由茲積已廼者書成十上席割半甌小駐
烏傷是甘蠖屈羊餘博士之瘦鶴比先生之清葵非偶
剪苜蓿之盤自開松竹共吟蘭茗之筆爭重他日以此
揚風靡俗立雪冰齋除箏笛之煩音振鼓鐘之雅奏庶
幾魯鐸一洗齊竽則是編也佇名花於萬谷當子華簪
攬芳草之一山貽予雜佩乎

嘉慶十一年歲次丙寅季夏下澣吳縣嚴榮拜撰

梅垞詩鈔序

詩理性情者也中無性情雖或撫宋規唐各標風格猶
之潢潦無源論者弗尚也蓋必具古人之性情乃克追
古人之風格三百篇後以詩傳者類然今觀梅垞蔣君
之詩益信嘉慶丁丑余館珠隴俞氏距君之里曰三環
者不五里而遙是時君歸道山久矣嗣君雨蒼以通家
誼時過從持君遺稿屬爲序余與君同賦壬子鹿鳴君
長余十六年兼有葭莩雅以故知君生平頗審君幼稟
異資觥觥有奇志獨潛心於學炎夏挑燈宵讀則入兩

足甕中雞再唱不休至今同學猶能道之無何疊邁昆
季之變門以內嫻孀熒熒君身任家事撫諸孤成立循
整有法度性醴粹飲人以和精神淵著沈毅而能斷凡
戚里疑難事得君片言解紛邑之人推祭酒焉其篤行
能服人如此膺鄉薦時年已近艾屢試南宮報罷晚乃
任括州及烏傷廣文顧不薄冷官必稟經訓課諸生如
課子弟暇則手一編道然兀坐春秋佳日或扶筇攜榼
往來泉石花竹間盤堆苜蓿泊如也其道韻平澹又如
此故其爲詩發於天真資於閱歷質而彌文腴而能雋

無蹶張之氣無雕鏤之痕無塗澤纖菴之習其心定故
其言舒其志和故其音雅此大較也若夫事關名教及
感舊懷人之作直抒胷臆令人欲泣欲歌蓋其性情流
露不言風格而風格自高文心雕龍曰詩者持也持人
性情讀君詩夫亦可以深思其故矣君負用世才以青
氈終老上之不獲登蘭臺上石渠歌詠昇平次又未嘗
游歷海內徧攬都邑佳麗江山竒險之境以助豪宕瑰
異之概下亦不至鬱邑佗傺閉門專壹類窮而後工者
之所爲惟是卽景寄興隨遇成吟筆墨所綴往往得之

梅地言錄 序
薄醉微慵雨餘風停之際雖編次無多一展卷間懷抱
鬚麋恍可想見然則君詩傳君之人且與之俱傳用以
上質其鄉元章章侯諸前輩其又何憾嗚呼回憶曩與
君別忽忽垂三十年宦途分轍執手爲難乃不圖今日
戢影里門校君遺稿又結一重翰墨緣也當雨蒼之索
序也余以頽唐抱疴度繕本按頭四閱寒暑轉得時時
尋味君詩遲之至今而始踐諾責皤然老矣俯仰陳迹
如泡影電光不可捉搦輒復感慨歛歛不能自已也已
道光元年歲次辛巳十月旣望蕭山年弟來珩拜撰

跋

蔣丈梅垞先生在姻黨中獨與先大夫爲莫逆交論文
飲酒晨夕過從甚相得也憶壬子歲觀隨侍先大夫館
於山陰平氏園林先生以闡卷見示閱中肆外湛然經
術之文觀始知先生之能文而不知先生之工於詩也
嗣後先大夫選羅陽司鐸去里門幾千里踪跡遂漸疏
而觀自戊午鄉薦後每計偕北上因得從公車後以父
執禮事先生先生夙敦古誼亦視觀如猶子霜橋月店
間每有吟詠輒以示觀然往往不自珍惜以故散失居

多先生殆工詩而不欲以詩名者歟歲辛酉先生得廣
文官歸時觀尚留都下至己春釋褐後出宰中州前後
十餘年幾不通芳訊矣每於南來者詢先生起居知已
於辛未秋捐館舍爲憮然者久之今年秋雨蒼中表以
先生詩鈔郵寄申陽公餘稍暇展誦百回大抵皆閒居
遣興之詞及羈旅感懷之作激昂慷慨本於性真以格
高以韻勝真能得風人之旨者至於懷知諸詠情詞愷
惻悉從肺腑中流出且時復念我先人誓以始終從以
歌泣蓋其至性動人篤於友義有如此迄今追維往事
緬想老成輒不禁掩卷涕零如在趨庭下拜時也至詩
之足傳諸名公已詳序之觀不敏何足知此
道光丁亥小春之望姻世愚姪王海觀拜跋

自序

變不能詩存之者誌所得也嘗憶髫齡時隨先兄

名作霖字

沛園就塾師課讀先兄長余二歲為邑諸生受知於天台

齊息園宗伯早卒質羸弱而自幼穎悟喜吟咏變從之

學聲偶焉間窺陳編得句法遇會意時輒作自知韻語

精深非淺嘗所能竟有作輒棄之年稍長操觚學制舉

業與此道隔者有年又足跡不出里閭窮鄉偏壤囿其

見聞日汨沒於米鹽紛雜中貯俗塵奚啻三斗矣壬子

倖鄉薦得與計偕北走齊魯燕趙間凡四易寒暑鷄聲

梅坨詩鈔卷一
月
茆店馬跡霜橋絕壑長林風餐露宿始憬然有羈旅之
思一時無聊之况不禁寓之於詩偶有所得類多於柝
殘夢醒時足成之與同袍諸公聯床夜話輒就正焉積
有歲年得若干首茲奉檄攝鐸麗陽歲除臘盡寄跡萬
山中殘雪在樹寒梅初放學圃無事檢敝篋中間益以
少作及括蒼近稿編次存之不獨愴焉追念先兄童年
釣游之景依依在目抑極不忘諸同袍風塵搶攘中一
時氣誼之雅訂政之功爲難得也時嘉慶甲子季冬除
夕前一日梅坨蔣燮書於括蒼之樺山清署

梅坨詩鈔卷一

暨陽 蔣燮 調元

田園集

甲辰重九西疇刈稻一首贈季弟紫封

木落郊原曠秋風吹茆屋啾啾鳥雀喧離離黍苗熟季
弟昧旦興晨餐往原陸豈不畏風露所計在鼓腹旣念
勤四體方知重嘉穀日暮荷擔歸篝燈課兒讀

再用前韻一首贈紫封

天寒日杲杲晴光泛柘木開我舊時軒場圃欣就築婦

子皆熙熙登場曬新穀狼藉雞鬪爭稚子持竿逐山厨
紫蟹肥瓦盆新釀熟團樂集長幼爛醉重陽菊

雨中客至

蝸涎緣土壁烟火濕茆茨積雨鷄棲早衝泥客到遲竹
疎牕未暗瓦漏榻頻移共此一樽酒傾懷訴別離

冬夜宿山寺

木落千巖寂天寒萬象澄山鐘荒寺榻竹雪夜牕燈撥
火頻燒籜烹茶候煑冰時聞翻貝葉心跡愧高僧

大風雨觀溪漲喜作長歌二首以紀事

六月十日歲丁巳我初臨池學蘓子硬黃鋪几戀微光
鷲地黑雲暗牕紙顛風捲我三重茆老雨滂沱不肯止
洪流瀉淵轉黑蜨白水掀天騰赤鯉風馳雨驟勢擊撞
倒海排山氣驅使須臾井蛙跳竈立飛廉息駕商羊喜
我聞風信二十有四番三十六雨通天根自春徂夏積
雨久重遭猛惡翻餅盈或云二十四五雨騎月往往霖
淖圍郊原屋漏如繩注床席蝸牛作字書苔垣竹牕掃
破墨潑几移將帖硯開高軒

我田既治我苗齊村村咄叱木駃騠

木駃騠
秧馬也

新苗出水

蘇波立溝塍繡錯停扶犁迭逢猛雨爛霖淖兩厓不辨
塍東西吁嗟農事從此始青疇千頃沉淤泥池魚撒撒
上原陸井蛙哈哈同棲鷄時聞堵墻倒破巷牛欄空洞
陰風淒老牛呼子沒波去村翁高叫窮迴溪隣童欺我
棘籬壞驅將鵝鴨來蔬畦潢潦入門井竈沒避濕無地
時登梯霎時箕伯反風御娟娟淡月開清曙當門巨浸
猶洶洶直恐波頭捲屋去

朗鑑亭看菊

挿竹編籬好護持淡黃香白一枝枝最宜日晚秋烟裏

細嚼寒香讀楚詞

秋英藹藹出踈籬落帽風來泛幾枝夜靜亭空人獨坐
殘燈疎雨暮鐘時

宿瓊瓏山館有懷柳丈彤勳

錯認溪聲作雨聲三更酒渴睡初醒昔年對榻人何處
殘月窺人照戶明

幽居

地僻少塵雜幽居景物佳風枝移鳥夢山果落猿懷時
有携琴客閒來坐竹齋清吟兩不厭逸興寄詩牌

秋夜有懷

秋宵常不寐支枕念忡忡涼月敲風竹青燈咽草蟲懷
人千里外殘夢五更中離緒無聊處霜天聽塞鴻

旱潦頻仍歲收蓋寡頽然三爵涉筆成句得五古

四章時丁巳六月二十有八日

輓輓復輓輓桔槔踏折軸齊唱竹枝歌歌聲痛如哭吁
嗟十日潦一瀉無停蓄坐使苗頭焦龜紋坼原陸比舍
無傭工作勞病僮僕僱役投隣村更深不歸屋

曉起日照地夜來月在戶生憎屋角鳩喚晴不喚雨時

惟六月中赫曦正停午喃喃綠陰底倨傲話田父以彼
股沒泥愧我手揮塵一卷冰雪文不療塵滿黼呼兒暫
停書傾心事農圃

種瓜瓜蔓短種荳荳苗稀時復荷長鑿太息窮廬扉非
關下地瘠良由農力微汗滴草間土舉鑿無停揮荒園
時經營無奈雨暘違啾啾籬間雀翩翩繞我飛窺我筐
中饑三匝如鳴饑傾筐出餘粒獨携虛筐歸

昔歲走齊魯嗷嗷遇薦饑亘野赤地裂蔽日黃沙飛我
勞倦行役息轍歸林扉誰知鄉國間旱潦無可依憂來

時飲酒忝薄酒力微課農出門去稚子牽我衣塗鴉學
識字一笑無相違

落葉七首

深秋樹老葉辭風○第一秋聲報井桐○孤客先聞白露下○
亭臯漸落成樓空○不堪翠減黃銷際○都付寒烟暮雨中○
飄入江天無處着○蕭蕭多半打征蓬○
扶踈繞屋景全非○悵望千林影漸稀○霜重那堪鴉亂點○
風高欲與鴈同飛○翻因解脫叅真諦○底事飄零感落暉○
贏得江南江畔路○漲痕落處一舟歸○

搖落應知物候秋○疾風掃處不停留○千巖盡脫郊原曠○
一片先零草木愁○鐵馬金戈驚旅夢○登山臨水送歸舟○
寒蕪極目無邊處○望見長江天際流○
霜信來時早報晨○秋紅正好葉飛頻○蕭疎意態同貧女○
枯槁形容似逐臣○古木千章爭刻露○寒山一夜見嶙峋○
平安惟賴窸窣在○葉葉枝枝瘦有神○
喬柯無復駐春顏○瀟灑園林晚景閒○對月語聞蟲四壁○
尋秋聲在樹中間○拋來庭下千重籜○露出墻頭數點山○
清景滿前無障礙○高枝當面不須刪○

飄警紛紛日夜增。飛來庭院掃難勝。魚鱗砌畔埋三徑。
 鹿角梢頭脫幾層。山淨不藏窮谷寺。村虛遙逗夜春燈。
 平林寂歷長天暮。有客登樓望遠憑。
 村徑牛羊放滿坡。紅飛黃隕徧巖阿。桑畦曝背留陰少。
 梧下攤書得月多。玉宇霏霏金井露。長天渺渺洞庭波。
 殘秋景物俱堪畫。付與騷人放棹歌。

附張荔園先生和詩

一聲鷓鴣萬山秋。葉葉飛空挽不留。瘦似半粧貧女
 恨。秃如兩鬢老人頭。且依塞草迎征騎。任委湘波送

去舟幾度變衰驚。落木蒼茫時倚仲宣樓。

色縱如花亦等閒。金丹那得駐紅顏。夕陽到處無留
 影。霜信來時向此間。夢繞三春承雨露。心驚一笛怨
 關山。繁華畢竟歸空相。多感天工著意刪。

手植梅花繞舍盛開偶賦

種梅不論株繞我。舊廬屋門牕互映。帶間桑復隣竹偃。
 蹇玉龍驕擎空斑。薜蹙時惟二之日。栗烈寒氣肅盈枝。
 綴蓓蕾明珠傾萬斛。騶律吹春回花放。日初沐曉風團
 清露丰姿自幽獨。携酒花下飲翠羽。任鳴啄俛仰香雪

梅地言金 卷一
中爛醉花下宿鷄犬成一村自號梅花谷

邨居漫興

數間老屋壁新泥。曲折筠扉繞碧溪。山犬晝眠深巷靜。
梅花邨在板橋西。
三上春明兩鬢衰。年年辜負看花期。今朝爛醉梅花屋。
一斗香醪月一枝。
蘚籬蘿徑與牆隅。匝地梅花不論株。但得嫩晴三五日。
月明風細足清娛。
何須倒載灞橋驢。繞舍梅花歲歲鋤。香雪叢中深幾許。

中間着我讀書廬。

四年三走燕山北。

由癸迄丙三與計偕
春出夏歸率以爲常

滾滾黃沙倦馬

蹄。今日空齋蹋壁卧。梅花村巷聽鳴雞。

村居一帶綠生寒。小市喧闐向晚看。樵客得錢沽酒去。
賣薪舟過釣魚灘。

放鴨坡凹老板橋。石根齒齒水迢迢。春晴未得連朝雨。
送客溪頭候早潮。

小雨如酥潤野塘。春來農事未全忙。山翁作社牛欄曲。
老瓦盈開白酒香。

携鋤日日行坡隴。閒話喃喃愛老農。種樹歸來逢暮雨。閉門默坐數村春。

麥隴青青山雉雊。桃花籬落燕雙飛。閒吟小句慵留稿。寫向田家白板扉。

枳棘籬邊山杏花。酒旗貼貼野人家。莫愁藜杖青蚨盡。穀賤年豐酒可賒。

五畝閒園春日遲。風光將及養蠶時。女桑未滿牆頭綠。豫借隣家雪色狸。

沿階疊石做層巒。十笏齋頭眼界寬。移得山花隨意插。

勝於燕市買花看。予至京邸必買花置几案間

惜花早起遂幽情。曉色蒼蒼半未明。猶記征鞍北去日。

馬頭殘月聽鷄鳴。

淡冶春光九十齊。一年好景倩誰題。疎疎紅雨籠花崦。

穀穀黃鴉繞麥畦。

茅齋閒做薜蘿遮。新築紅爐試煮茶。午睡醒餘無箇事。

紙窻泥壁聽蜂衙。

游絲冒花風力軟。蜜蜂繞樹春晝晴。山厨飯熟日停午。

當戶時聞啄木聲。

木均言金卷一
溪光如練媚朝曛。愛此澄鮮遠市氛。幽鳥一聲拍水去。
半潭春樹落閒雲。

春林如薺碧山遙。憑仗徐熙畫筆描。半里墟烟成互市。
三家村徑雜漁樵。

去年六月離揚子。眼見金焦點翠螺。何似溪頭風日美。
遙山一角漾晴波。

採蓮歌六首

郎住在湖頭。妾住在湖尾。門對芰荷開。生長西湖裏。
湖心花似錦。採處莫教遲。摘花與郎語。最好半開時。

移舟近蓼灣。放棹垂楊浦。郎愛藕花紅。那識蓮心苦。
向午畏風日。乘舟清夜過。採來明月下。香比午時多。
載得滿船花。復來褰荷葉。蕩漾露珠圓。小滴羅裙濕。
輕舸小於斛。刺向花深處。驚起睡鴛鴦。兩兩橫塘去。
東船唱白紵。西舫歌吳趨。停舟問女伴。採得並頭無。

眺西湖諸山放歌

天目之山從東徂。聳翠拔秀趨海隅。武林陡住開生面。
錯以叢林如畫圖。寺古總落漢唐後。山好乃見太古初。
春晴淡冶忽如笑。洗眉拭目臨平湖。湖面周遭三十頃。

靴紋細細搖菰蒲沖融窈窕兩相映西子一笑傾強吳
錢塘佳麗甲天下朱樓碧榭相縈紆遺却天真誇金粉
有如買櫝還明珠今人游覽尙如此何況道妙能含咀
東坡白傅長已矣山靈應歎知音無

表忠觀落成詩以誌事

臨安山水天下奇翔龍舞鳳呈雄姿篤生異人挺英武
奄有吳越東南陲象犀珠玉富山海帶甲十萬稱完師
強弩射潮江爲東長鱗穹甲還貝宮保障兩浙登衽席
直與五代相始終斯時羣雄遍江表負險竊據紛雲擾

惟王忠孝本天生畏天事大心彌小克承厥志推後人
慎歸有德玉帛陳不待告命封府庫三王功德無比倫
粵稽有宋熙寧載守臣請祀豐碑在大書特書表忠字
崇觀屹立何崔嵬妙音舊院龍山陽虎符金券靈旗揚
歲時鷄豚拜父老玉帶裘馬何堂堂代人祠宮荒茂草
蕪廢不治嗟行道

盛朝祭典重褒賢

命祀該洽歡人天巋然新宮出山麓畫壁丹楹重肅肅
永教俎豆妥几筵無俾薪芻供樵牧曩曩十丈題擘窠

梅坡詩集 卷一
重書某年月日時脩復湖光山色相參差猶見行人駐
馬斜陽按碑讀

由靈隱至弢光

竒石飛來驚嶺遙
陡開兩寺出山椒
濕雲挂樹深春靄
紺殿懸崖鎖碧寥
臥聽天鷄鳴海日
俛看白馬走江湖
此中大有仙靈宅
巖罅猶留舊板橋

浙江觀潮歌

觀潮江頭候潮宿
士女喧填曉相逐
烟消日出潮未來
萬頃靴紋漾晴縠
俄聞雷響鳴隆隆
海運砰訇轉地軸

兩厓觀者千萬人
潮頭未駕氣先肅
龕山赭山相擊撞
遙看一線勢停蓄
前驅迅激忽震怒
十萬馬蹄向空蹴
混茫一氣輸不盡
高浪峩峩駕銀屋
喻張盡勢水力到
瀕洞汨汨互洄洑
三吳小兒弄潮慣
出沒潮頭舟一斛
忽隱忽現潮之中
瞥然一點如鳧鷖
我乍觀之心膽驚
水狎民玩輕其生
紛紛薄俗何足數
潮平買棹揚帆行

錢塘曉渡

候潮凌曉發曙色
尚朦朧白鳥衝烟碧
青山吐日紅潮流
三折浪順遞一帆
風咫尺看漁浦江村
曉市中

甲子夏候渡錢塘同人邀遊三一禪院避暑

咫尺江東問渡難閒尋禪院得盤桓一聲清磬烟中出

萬頃銀濤竹裏看

院踞吳山之麓東面錢江階前皆斑竹林

老衲供茶宣證

果仙人留跡剩荒壇

為宋白玉蟾脩真遺址

幾回翹首渾忘暑佇

待江湖一倚欄

秋日即景

煩燠經時久長吁夏日威黑雲推暑去白雨挾秋飛景
物遙增爽詩懷漸入微呼童掃落葉開我舊林扉

秋郊晚眺

荒徑三叉小亭臯一望賒殘紅餘老樹瘦墨點寒鴉愛
此秋光淺吟來落日斜前村聞鼓笛報賽野人家

屋西北隅雜蒔松竹連遇小雨喜賦

種松北垣北虬枝媚幽色種竹西溪西鳳尾翩翩齊虬
枝鳳尾兩相引小雨連朝茁芝菌松活作花竹生笋中
間着我三間廬當牕咿唔讀我書梢頭挂月風來徐寒
聲翠色相依於

溪堂

茲堂實傲廬所喜臨水曲芳樹臥晴波春溪澹寒綠既

濯滄浪纓聊爲沂水浴時聞柔櫓聲驚起獨立鵠

清明日書所見

春仲變氣候○昏旦異涼燠○微雨過芳郊○輕雲靄平陸○遮
斷林外村○半露烟中屋○斜陽忽相照○青山淨如沐○

過山村小飲

山翁釀春酒終日在山園流水曲通沼桃花圍作村鷄
豚常滿柵櫻筍一開樽惟有賣花叟時時來打門

溪山春眺

獨行無遠近嬾散得尋幽山色青螺子溪光綠鴨頭春

烟濃有跡空翠潑難收好鳥翻飛處巖花撲釣舟

秋日過山寺

雲淡日容斂霜清遙夜閒撥雲來古寺覓句踏寒山松
徑寂如此僧寮無往還惟逢斲苓叟獨自扣禪關

冬日山居

殘冬風景寂地僻遠烟村落葉無行迹空齋獨掩門庭
虛來瓦雀簷靜挂山猿開卷晴牕下時時一負暄

越王臺懷古

臥龍之山雲作堆越王之臺何崔嵬爐峯泰望互羅列

湖光海色青銅開偶尋斯臺一登眺恍若雄圖霸畧遠
自荒烟落日之中來至今臺樹籠山峽沼吳競說三千
甲子胥不死宰嚭誅越卒何由遂入吳種亡蠡遜踵相
繼吁嗟霸業何有乎君不見姑蘇臺下狐兔走館娃宮
址雜林藪越王臺上鷓鴣鳴戢哇叱叱來春畊代興遞
毀長已矣惟有越山青繞城

張留侯

同人咏
史分題

遺燼三韓緒孤忠五世臣再期黃石老一擊虎狼秦借
箸聊陳策封留願畢伸欲從赤松隱辟穀保天真

雨霽步朗鑑亭

山光如拭黛螺青小雨初晴長綠萍啼鳥一聲人寂寂
落花如霰滿空亭

曉起坐西牕

捲簾初見上朝霞把卷西牕聽曙鴉日色未濃春露重
曉風吹墮紫藤花

朗鑑亭看薔薇

朱欄曲曲夾疏櫺滿架薔薇逗晚馨幾日嫩晴春露足
淺深紅遍水西亭

山邨即景

矮竹籬邊三兩家○嫩寒天氣茗初芽○數聲啼鳥催山雨○一抹輕烟罩杏花○

小樓坐雪

幽居地僻長蓬蒿○半夜寒生擁敝袍○獨坐山樓風雪裏○朱絲一卷寫離騷○

送琴川先生歸唐昌

快論猶同分水犀○經年聚首撥雲迷○新消雪水纔三尺○便送行舟到紫溪○

咏秋海棠

翠薄紅輕曉霧籠○不緣春困倚東風○憐他綽約嬌無力○更在風清月冷中○

閱家塾會課示諸姪

朔風吹徹黑貂裘○北去南回四載秋○偕計年來符候雁○蹴雲今喜得華駟○驚人佳句傾囊出○望爾榮名汲綆收○春滿

上林瓊島麗相期○同醉杏花樓

銷夏八咏

荷珠

珠非生合浦。顆顆落芳蓮。摩蓋迎風碎。承盤走月圓。三
霄空有暈。一線孰為穿。頗得招涼意。拾遺記楚有招涼珠舒光淨
綠天。

桐珪

桐葉萋萋盛。如珪畧銳方。刻成非假宋。列子宋人有以玉為楮葉者三
年而剪出。遂封唐。碧彩輝瑤圃。瓊姿耀嶧陽。龍門高百
尺。彌望盡榮光。梧桐一名榮陶詩冉冉榮木

榆錢

飛鳧何散布。榆莢應天星。枝亞垂垂貫。風翻箇箇青。縱
環錢之甚細者當路擲。爐冶過春停。差喜無銅臭。相看貯滿
亭。

松針

蒼翠喬松葉。懸針簇簇勻。綴成青麈尾。繡出老龍鱗。質
淨鋒全綠。芒寒刺有神。拾遺記薛靈芸號針神是誰磨琢就。百鍊
雪霜晨。

柳線

碧線誰纒就。織織拂遠坡。一番新雨染。幾處暖風搓。春

淺添紋細。秋深減繡多。飛來雙燕子。剪剪待云何。

花裊

片片紅英集。層層蜀錦鮮。風移鋪畫閣。塵拂碎瓊筵。坐久因重疊。春殘共棄捐。護花來小犬。亦解覩裊眠。

苔氈

故物拋門外。母教屐齒殘。半條桐徑綠。一片石床寒。卧月無時捲。鋪花竟日攤。惟聞清悶閣。代掃揭筠竿。

蘿帶

引蔓縈成帶。修蘿窈窕容。縛來蹲虎石。繫住化龍松。花

綰垂紅綬。蟲懸織翠茸。茅堂需補綴。罅漏藉彌縫。

咏雪

同人外韻作

料峭寒侵骨。因知雪意深。牕明驚折竹。枝滑墮饑禽。酒力消歌館。篝爐傍楮衾。登樓時縱目。烟翠失遙岑。

時季弟紫封得句云孤棹一蓑小荒村破屋斜從弟岱山得句云白連平野濶青界大江流又紫封咏梅得句云瘦影最宜濃着月寒香不碍厚凝霜岱山咏秋日村居得句云風寒落桑柘山暝下牛羊皆一時分韻拈毫之作故摘錄之

春初偶成

小雨如酥潤。陽和動九衢。紅情通老樹。綠意出荒蕪。風

漸交寒暖春來半有無大生惟造物一樣到榮枯

題畫鷹

側目無凡鳥蒼鷹畫不羣神依三尺練爽逼九秋雲堂
上風生座毫端細入筋君看簷瓦雀不敢近倉困

古豔詞

約伴踏春歸採得宜男蕊不肯繫羅襦擲向郎懷裏

外孫瞿金辰

男 赤城 書城 校字

龍城 金城

